

# ფაროსანას მონიტორინგის სისტემების დამონტაჟება სასელეფიზო ტყის ფონდის ტერიტორიებზე მიმდინარეობს

გურიის რეგიონში, ოზურგეთის მუნიციპალიტეტის სოფელ შემოქმედში, ეროვნული სატყეო სააგენტოს მართვას დაქვემდებარებული ტყის გარე პერიმეტრზე, აზიური ფაროსანას მონიტორინგის სისტემები დამონტაჟდა. საქართველოს მასშტაბით, ტყისპირა პერიმეტრებზე „მოიზიდე და გაანადგურე“ ტექნოლოგიის სადგურები განლაგდა, რაც უზრუნველყოფს ტყის მასივებიდან სასოფლო-სამეურნეო სავარგულზე მავნებლის გავრცელების შემცირებას.

მიმდინარე სამუშაოებს ადგილზე გაეცნენ გურიის გუბერნატორი მერაბ ჭანუყვაძე, ოზურგეთის მუნიციპალიტეტის საკრებულოს თავმჯდომარე დავით დარჩია,

ეროვნული სატყეო სააგენტოსა და სურსათის ეროვნული სააგენტოს გურიის რეგიონული სამმართველოს წარმომადგენლები.

**მერაბ ჭანუყვაძე** - „სახელმწიფო მავნებელთან ბრძოლის ღონისძიებებს კვლავ აქტიურად აგრძელებს. კერძოდ, ტყის გარე პერიმეტრზე მიმდინარეობს აზიური ფაროსანას მონიტორინგის სისტემების დამონტაჟება. გურიაში, ეროვნული სატყეო სააგენტოს მართვას დაქვემდებარებულ ტყის გარე პერიმეტრზე, ჯამში 15 ათასამდე ფერომონი დამონტაჟდა. ასევე, ინტენსიურად მიმდინარეობს სიმინდის საყანე ფართობების შეწამვლაც. ფაროსანასთან ბრძოლის წინააღმდეგ აღნიშნული სამუშაოები

აოები ოქტომბრის ბოლომდე გაგრძელდება“.

ღონისძიებების კოორდინირებულად და ეფექტიანად ჩატარებისთვის დასავლეთ საქართველოში, აბაშის მუნიციპალიტეტში ფუნქციონირებს მავნებელთან ბრძოლის საკოორდინაციო შტაბი, სადაც შექმნილია მონაცემების ელექტრონული ბაზა, მონიტორინგის შედეგები აისახება ინტერაქტიული რუკაზე და ანალიზის შედეგად, მუნიციპალიტეტების მიხედვით, იგეგმება ღონისძიებები. სახელმწიფოს მიერ მობილიზებულია 150 ერთეული მაღალი გამავლობის სპეციალიზებული ტექნიკა, რაც გასულ წელთან შედარებით გაათმაგებულია.



# ს ა ლ ი ო ნ ი

უძველესი გაზეთი უახლესი ინფორმაციებით!

ს ა ზ ო გ ა დ ო ე ბ რ ი ე - პ ო ლ ი ტ ი კ უ რ ი გა ზ ე თ ი .

ყოველკვირეული გამოშვება. № 29 (10274) 23 08 მისი, 2018 წ. შპსი 60 თეთრი.

## დაბა ნასაკირალში გზის რეაბილიტაცია სრულდება



ნასაკირალი - მელექედურის დამაკავშირებელი საავტომობილო გზის მშენებლობა სრულდება. მიმდინარეობს სამუშაოების მეორე, დამამთავრებელი ეტაპი. გზის რეაბილიტაცია გასულ წელს დაიწყო. პროექტით გათვალისწინებულია სანიღვრე არხებისა და წყალამრიდების მოწყობა. მიმდინარე სამუშაოები ოზურგეთის მერმა კონსტანტინე

შარაშენიძემ, მერის მოადგილე - ოსიკო თოთბაძემ, ნასაკირალის მაჟორიტარმა დეპუტატმა ბესო ქათამაძემ და ინფრასტრუქტურისა და არქიტექტურის სამსახურის უფროსმა - თემურ გიორგაძემ დაათვალიერეს. გზის სიგრძე 3 485 გრძივ მეტრს შეადგენს. სამშენებლო სამუშაოებს შპს „პალადა“ ახორციელებს.

## ქაქუთის დასახლებაში რკინაგზის საფარი მოეწყობა

ოზურგეთის მუნიციპალიტეტის სოფელ ჭანიეთში, ქაქუთის დასახლებაში 150 მეტრიანი რთული საგზაო მონაკვეთის რეაბილიტაცია მიმდინარეობს, სადაც რკინაბეტონის საფარი მოეწყობა. აღნი-

შნული სამუშაოები ოზურგეთის მუნიციპალიტეტის მერმა კონსტანტინე შარაშენიძემ ინფრასტრუქტურის სამსახურის უფროსთან თემურ გიორგაძესთან ერთად დაათვალიერა.

## ათწუთიან დაგვიანებას მოყოლებული 15-20-წუთიანი სკანდალი „ჩვენ დაგვიანდებით, მაგრამ თქვენ ვალე აგვიანდებით ვაგ სკამიდან“

### თემურ გიორგაძე

როგორც ჩანს, ოზურგეთის მუნიციპალიტეტის საკრებულოს ფრაქცია „ერთიანი ნაციონალური მოძრაობის“ დეპუტატმა საკრებულოს სხდომაზე დაგვიანებით გამოცხადება „წესად“ აქცია. ეს „წესი“ არც 18 ივლისის სხდომისთვის დარღვეულა. „ნაციონალური მოძრაობის“ დეპუტატმა ათწუთიან დაგვიანებას, სხდომის ამდენივე დროით დაგვიანებით დაწყება და დღის წესრიგის გამოცხადებისთანავე, დაახლოებით 15-20-წუთიანი სკანდალი მოჰყვა. სკანდალის მოთავე კი, როგორც ყოველთვის, ამჯერადაც ოზურგეთელი „ნაციონალურის“ ყველაზე ხმაურიანი ლიდერი დავით მუჟაანაძე გახლდათ.



როგორც მუჟაანაძემ თქვა, ერთი თვე გავიდა მათი ფრაქციის წევრ ბესო ქათამაძეზე თავდასხმიდან, საკრებულოს თავმჯდომარეს კი, რომელიც აშკარად გაურბის პასუხისმგებლობას, ერთი განცხადებაც არ გაუკეთებია: „ბესო ქათამაძეზე თავდასხმის შემდეგ ერთი თვე გავიდა, საკრებულოს თავმჯდომარეს კი ერთი განცხადებაც არ გაუკეთებია. ჩვენ გვჭირდა მოლოდინი, რომ დღეს მოგვეცემოდა საშუალება შეეფასებინათ, ასე ვთქვათ, თავდასხმა ჩვენი ფრაქციის წევრზე, მაგრამ ვხედავთ, რომ ბატონი თავს არიდებს და გაურბის პასუხისმგებლობას...“

„ნაციონალურის“ ლიდერმა არად ჩააგლო საკრებულოს თავმჯდომარის მოადგილის გიორგი ლურჯუშელიძის წინადადება, დაეცვათ წესი, ჯერ დღის წესრიგით გათვალისწინებული საკითხები დაემთავრებინათ და განცხადებები შემდეგ გაეკეთებინათ:

„ჯერ ჩვენ დაგვიანდებით და ამის შემდეგ გადავწყვეტთ როგორ მოვიქცეთ... საკრებულოს თავმჯდომარე საერთოდ არ მოვიდა ამ საკრებულოს სხდომაზე და მე ვფიქრობ, რომ ზუსტად ამის გამო არ მოვიდა, მას არ უნდა პასუხისმგებლობის ალება. მე მაინტერესებს, იმ პროცესებზე რაც განხორციელდა ამ შენობაში, ამ ოთახებში, თავდასხმა ბესო ქათამაძეზე, იღებს თუ არა პოლიტიკურ პასუხისმგებლობას თქვენი პარტია, როგორც საკრებულოს თავმჯდომარის მოადგილე, იღებს თუ არა პოლიტიკურ პასუხისმგებლობას თქვენ. გვახსოვს,

ურცხვად რომ განაცხადეთ, თითქოს თქვენი პროვოკატორები ჩვენი, „ნაციონალური მოძრაობის“ ჩანერგილები“ ყოფილიყვნენ... ადამიანები, რომლებმაც ეს მოიმოქმედეს, აქ სხედან, აი, მაგალითად, დავით ჭაკნელიძე, რომელმაც ზურგიდან მისვლით ჩაარტყა ბესო ქათამაძეს. თუ შეიძლება, გავვეცი თუ არა პოლიტიკურ პასუხისმგებლობას?“

ლურჯუშელიძემ გამომსვლელს სიმშვიდისკენ მოუწოდა და დარბაზს გააცნო სხდომაზე

**გაზეთის უხელოვანი ნომერი გამომვა ხუთშაბათს, 2 აგვისტოს**

### გაზეთი „ალიონი“ სარეკლამო მომსახურების ტარიფები

- მე-2 მთლიანი გვერდის (648 კვ.სმ) ღირებულება 120 ლარია;
- მე-3-7 (თითოეული 810 კვ.სმ) მთლიანი გვერდებისა - 150-150 ლარი;
- 1-ლი, ფერადი გვერდი მთლიანად (810 კვ. სმ) არ იყიდება, ნახევარი გვერდის (405 კვ. მ) ღირებულება 300 ლარია;
- ბოლო, მე-8, ფერადი გვერდი მთლიანად 300 ლარი ღირს;
- შიდა შავთეთრ გვერდებზე ფერადი ბეჭდვის შემთხვევაში გვერდის საფასური 50 ლარით იზრდება.
- პოლიტიკური რეკლამის ღირებულება ორმაგია;
- მილოცვა ფერად გვერდზე 32,40 კვ. მ-ზე, სურათით - 25 ლარი;
- სამგლოვიარო განცხადება - სიტყვა 25 თეთრი, პლუს სურათი (5X6 სმ) - 2 ლარი;
- გახსენება, ნეკროლოგი - სიტყვა 20 თეთრი, პლუს სურათი (5X6 სმ) - 2 ლარი;

**საცალო ფასი: 60 თეთრი, ხელმოწერა:**  
**ერთი თვით - 2,40 ლარი,**  
**სამი თვით - 7,20 ლარი,**  
**6 თვით -14,40 ლარი,**  
**ერთი წლით - 29,60 ლარი.**

გაზეთში გამოქვეყნებული მასალების შინაარსი შეიძლება არ ემთხვეოდეს რედაქციის თვალსაზრისს. ავტორები თვითონ არიან პასუხისმგებელი ინფორმაციის სიზუსტეზე. რედაქციაში აუდიოჩანაწერები ინახება ორი კვირის განმავლობაში, ამ ვადის გასვლის შემდეგ პრეტენზიები აღარ მიიღება. რედაქცია ავტორებისაგან არ მიიღებს სამ ხელნაწერ გვერდზე მეტ მასალას. გამოქვეყნებული მასალების გადაბეჭდვა აკრძალულია რედაქციიდან ნებართვის გაცემის გარეშე.

**სარეკლამო მომსახურების ტარიფები**

რედაქტორი  
**ნუგზარ ასათიანი**  
 nugzarasatiani@rambler.ru  
 558 499100

საინფორმაციო სამსახურის  
 ხელმძღვანელი:  
**თემურ მარშანიშვილი**  
 tem52@mail.ru  
 599 373515

კომპიუტერული უზრუნველყოფა  
**გიორგი გოგოლაძე**  
 gia\_77@mail.ru  
 551 576060

რედაქციის მისამართი: ქ. ოზურგეთი, გაბრიელ ეპისკოპოსის ქ.№3  
 ტელ: 558 499 100 გაზეთი რეგისტრირებულია ოზურგეთის რაიონულ სასამართლოში 18. 11. 2004 №44/4-311  
 გაზეთი იბეჭდება გამოცემლობა „მერიდიანში“  
 მის: თბილისი, ვ. ბაგრატიონის ქ. №77

დაინყეთ ყოველი ოჩმაბათი ალიონზე  
 «ალიონით»

### მე-5 გლობალური სამიტის მონაწილეთა პატივსაცემად მიღება გაიმართა



საქართველოს პარლამენტის თავმჯდომარემ ირაკლი კობახიძემ ღია მმართველობის პარტნიორობის (OGP) მე-5 გლობალური სამიტის მონაწილეთა პატივსაცემად გამართულ მიღებას უმასპინძლა. სამიტის მონაწილე ოზურგეთის მუნიციპალიტეტი. სამიტის მონაწილეთა პატივსაცემად გამართულ მიღებას, გურიის მხარის გუბერნატორი მერაბ ჭანუყვაძე, ოზურგეთის საკრებულოს თავმჯდომარე დავით დარჩია და საკრებულოს აპარატის უფროსი ნანა თავლეშაძე ესწრებოდნენ. დავით დარჩია სამიტის ფარგლებში დაგეგმილ სხვა ღონისძიებებშიც მიიღებს მონაწილეობას. ოზურგეთის საკრებულომ 2016-2017 წლის ღია მმართველობა პარტ-

ნიორობის სამოქმედო გეგმით დაკისრებული ვალდებულებები წარმატებით შეასრულა, გამჭვირვალობისა და საჯაროობის მიმართულებით საკრებულოში განხორციელებული პროექტები სხვა მუნიციპალიტეტებისთვისაც კარგ მაგალითად იქცა. საკრებულოს 2018-2019 წლებისთვის ახალი ვალდებულებები განესაზღვრა, რომლის შესრულება საკრებულომ ელექტრონული პეტიციის დანერგვით უკვე დაიწყო. „ღია მმართველობის პარტნიორობის“ რიგით მეხუთე სამიტი 19 ივლისამდე გრძელდება. სამიტში „ღია მმართველობის პარტნიორობის“ წევრი 75 ქვეყნიდან 2000 სტუმარი ღებულობს მონაწილეობას.

### მუნიციპალიტეტმა მუშაუების რეაბილიტაციის პროექტი შეისყიდა

ოზურგეთის მერი კონსტანტინე შარაშენიძე ისტორიული მუშუების თანამშრომლებს შეხვდა. მერის ინფორმაციით მერიამ უკვე შეისყიდა მუშუების რეაბილიტაციის პროექტი და უახლოეს მომავალში შესასრულებელ სამუშაოებზე ტენდერს გამოაცხადებს. ოზურგეთის ისტორიული მუშუები სავალალო მდგომარეობაშია. განადგურებულია ინტერიერი, ჩამოშლილია ჭერი, აყრილია იატაკი, მძიმე მდგომარეობაა მუშუების ფონდსაცავში, სადაც ათასობით

არქეოლოგიურ და ეთნოგრაფიულ ექსპონატს, უძველეს მსატრეულ ტილოებს ნესტი ანადგურებს. ოზურგეთის მუნიციპალიტეტის მერმა მუშუების ეზოც დაათვალიერა. როგორც მუშუების თანამშრომლები ამბობენ, საცაგები გარედან მიწის მასითაა დაფარული, რაც ექსპონატებს დამატებით საფრთხეს უქმნის. ოზურგეთის მერმა მათ პირობა მისცა, რომ აღნიშნულ პრობლემას მუნიციპალური ტექნიკა მოაგვარებს.

### ოზურგეთის ინფრასტრუქტურული პროექტების 456 281.26 ლარი აქვს

როგორ გადანიშნა აღნიშნული თანხა, რა მიმართულებებზე იხარჯება ყველაზე მეტი? ამის შესახებ ოზურგეთის მუნიციპალიტეტის მერიის შესაბამის სამსახურს კითხეთ. 2018 წლის 19 აპრილის 840 საქართველოს მთავრობის განკარგულებით მუნიციპალიტეტს ინფრასტრუქტურული პროექტების განსახორციელებლად გამოეყო 456 281.26 ლარი, 2016-2017 წლის სტიქიის შედეგად დაზიანებული სახლების სასურავების შექმნისა და სამუშაოებისათვის, ასევე დაზიანებული გზების სარეაბილიტაციო მასალების

შექმნისა და ნაპირსამაგრი სამუშაოებისათვის-ამის შესახებ ინფორმაცია, ოზურგეთის მუნიციპალიტეტის მერიის ინფრასტრუქტურის სამსახურის უფროსმა, თემურ გიორგაძემ მოგვარა. გიორგაძის ინფორმაციით, ერთდროულად რამდენიმე სოფელში, მიმდინარეობს გზების რეაბილიტაცია. **თემურ გიორგაძე:** ამ ეტაპზე მიმდინარეობს ოზურგეთის მუნიციპალიტეტის სოფელი ვაკეჯვარი-ფამგაღეთის, ბოხგურის-შემოქმედის, შემოქმედის ცენტრი-გორისფერდის, ნასაკრალი-მელექელურის დამაკავშირებელი გზის, ასევე სილაურის



### სად ჩატარდა ჯიკ-ტური?

**ალიონი.** გასულ სამშაბათს ოზურგეთის მუნიციპალიტეტის მერიამ თავის ოფიციალურ ვებ-გვერდზე განათავსა ინფორმაცია, რომელიც თუწყვებდა, რომ კურორტ გომისძისაზე „ჯიკ-ტური“ გაიმართებოდა, რომელშიც საქართველოს ოფროუდის ფედერაციისა და 10-მდე უცხო ქვეყნის ექსტრემალები მიიღებდნენ მონაწილეობას. როგორც ამ ბოლო დროს წესად დამკვიდრდა, ადგილობრივი ჟურნალისტები ღონისძიებაზე არ მოუწყვეიან. მუდია პრესსამსახურის მიერ მოწოდებულ ინფორმაციას უნდა დალოდებოდა. 18 ივლისს, საღამოს მერიის პრეს-სამსახურმა ოფიციალურ ვებ-გვერდზე შემდეგი ინფორმაცია დადო: „დღეს ოზურგეთის მუნიციპალიტეტის კურორტ გომისძისაში ექსტრემალური შეჯიბრი off road – ი გაიმართა. „ჯიკ-ტურში“ საქართველოს ოფროუდის ფედერაციის რეგიონალურ წარმომადგენლობასთან ერთად უცხოელი ექსტრემალები მონაწილეობდნენ. ღონისძიებას ოზურგეთის მუნიციპალიტეტის მერის მოადგილე, ოსიკო თოთბაძე და ოზურგეთის მუნიციპალიტეტის მერიის ეკონომიკისა და ქონების მართვის სამსახურის უფროსი, ალექს მამუშელი კურორტ გომისძის დასვენებლებთან და უცხოელ ტურისტებთან ერთად დაესწრნენ. „ჯიკ-ტურის“ დასრულების შემდეგ, (ა)აპ მოსწავლე ასალგაზრდობისა და სარეკრეაციო დაწესებულებასთან“ არსებულმა ფოტოლოგებმა ანსამბლმა

„ვახტანგურში“ კონცერტი გამართა. პროექტის მიზანია აჭარა- გურიის რეგიონებში ტურიზმის განვითარების ხელშეწყობა და კურორტ გომისძის მთის პოპულარიზაცია. ღონისძიება საქართველოს ოფროუდის ფედერაციის ორგანიზებითა და ოზურგეთის მუნიციპალიტეტის მერიის მხარდაჭერით ჩატარდა.“ როგორც სოციალურ ქსელში ეფრანლისტმა ნატო გოგოლაძემ გაავრცელა ინფორმაცია, „ჯიკ-ტურის“ ორგანიზატორი არა ოზურგეთის მუნიციპალიტეტის მერია, არამედ შუახევის მუნიციპალიტეტის მერია იყო – „შენ მაინც ასინა იქნებ რა ხდება? ხალხი რატომ აიყვანეს გომისძისაზე არარსებულ ფესტივალზე? რატომ გაწია მუნიციპალიტეტმა ხარჯი ღონისძიებაში, რომელიც გომისძისაზე კი არა, აჭარაში მიმდინარეობს? – წერდა ნატო გოგოლაძე ოზურგეთის მუნიციპალიტეტის მერიის განათლების, კულტურის, სპორტის და ასალგაზრდულ საქმეთა სამსახურის უფროსს მარინა ჯაფარიძეს. „ერთ-ერთ უცხოელ მონაწილეს 4 000 კილომეტრი გზის გავლის შემდეგ ჯანმრთელობის პრობლემა შექმნია და მონაწილეთა ნაწილმა ვერ მიახერხა გომისძის მთაზე ასვლა, ნაწილი ავდა დაღვინებით, ტური დაგეგმილი იყო აჭარიდან და ზეგაღაც გაგრძელდა მარშუტით „ჭვანა-ხაბელაშვილები-გომისძისა-ჭინჭაის ტბა.“ – წერს ოზურგეთის მუნიციპალიტეტის მერიის საზოგადოებასთან ურთიერთობის სამსახურის უფროსი ეკატერინე მგელაძე.



### ოზურგეთის ინფრასტრუქტურული პროექტებისთვის 456 281.26 ლარი აქვს

ცენტრიდან ოზურგეთი-ინოშვილი-ლესას მიმართულებით და ჭანეთის ცენტრის გავლით ქაქეთის დასაწყისამდე გზის რეაბილიტაცია. როგორც მან ვითხრობა, ოზურგეთის მუნიციპალიტეტს 2018 წელს ბუტონის გზების სამუშაოებზე ტენდერი არ გამოუცხადებია. მუნიციპალიტეტის მერ შექნილი იქნა 300 მარკანი მზა ბეტონი, რომელშიც გაიმარჯვა შპს „კავკასი ცემენტ ჯორჯია“ და ასევე შექნილი იქნა მეთოდი ბაღე, სადაც ტენდერში გამარჯვებული კომპანია შპს „ჯეო მეტალი“ გახდა. აღნიშნული მასალები მიწოდდა დაბა ნარუჯას, შრომის (ეკალიდი), კონჭკათის, ნასაკრალს და ადგილობრივი მოსახლეობის ჩართულობით მოხდა რეაბილიტაციის გზების მოწყობა. როგორც ვითხრობს, ბიუჯეტში გარკვეული თანხა გათვალისწინებული სტიქიის შედეგების სალიკვიდაციოდ. სტიქიის შედეგად დაზიანებული გზების აღსადგენად დამატებით მოხდა ბუტონისა და მეთოდი ბაღის შექმნა. 2017-2018 წლის სტიქიის სალიკვიდაციო სამუშაოების განსახორციელებლად ოზურგეთის მუნიციპალიტეტს 1 700 000 ლარი გამოეყო. აღნიშნული თანხიდან მოხდა სოფელ კონჭკათში სუსკურის უბანში ჩამოშლილი გზის

აღდგენა, მოეწყო გაბიონი და ასევე რეგიონული განვითარებისა და ინფრასტრუქტურის სამინისტროში გადაგზავნილია საპროექტო-სასარჯთაღირცი სევი დოკუმენტაციის შედგენაზე ნებართვის მისაღებად (ელექტრონული ტენდერის გამოცხადებლად). სტიქიის შედეგად დაზარალებული 45 ოჯახისათვის მოხდება სამშენებლო მასალის გადაცემა, ხოლო სახლის გადასურვის სამუშაოებით დახმარება 8 ოჯახს გაეწევა. 2016-2017 წლების სტიქიის შედეგად დასარიცხებული სასურავების სამშენებლო საქონლის მიწოდების ელექტრონულ ტენდერში შპს „ოთობს“-მა გაიმარჯვა. ოზურგეთის მუნიციპალიტეტს კიდევ ერთი ბაღი შეეშენება. დაბა ნასაკრალში მეთოდი საბავშვო ბაღის მშენებლობა მიმდინარეობს, ამ ეტაპზე ხდება საძირკვლის მოწყობა. ბაღის მშენებლობა 2017 წლის აგვისტოში დაიწყო და 2018 წლის დეკემბრამდე უნდა დასრულდეს. პროექტის ღირებულება 458 413 ლარს შეადგენს. საბავშვო ბაღი 75 აღსაზრდელს მიიღებს. დღემდე ნასაკრალის სასკოლო სოფელში ბაღის არარსებობის გამო ბავშვები მუშობელი სოფლების ბაღებში დაჰყავთ.

# ათჷუთიან ღაგვიანებას მოყოლებული 15-20-წუთიანი სკანდალი

## „ჩვენ ღაგვიანებით, მარამ თქვენ მალე აბრანდებით მავ სკამიდან“



საკრებულოს თავმჯდომარის დაუსწრებლობის მიზეზი:

„ბატონო დავით, დაბრუნდით თუ შეიძლება. როგორც ჩანს, არ იცით ინფორმაცია იმის შესახებ, რომ 17-19 ივლისს თბილისი მასპინძლობს „ღია მმართველობა – პარტნიორობის“ (OGP) V გლობალურ სამიტს. ოზურგეთის მუნიციპალიტეტი, როგორც OGP-ის ერთ-ერთი მონაწილე და ერთ-ერთი მოწინავე მუნიციპალიტეტი, მონაწილეობს ამ სამიტში და შესაბამისად საკრებულოს თავმჯდომარეც იქ გახლავთ. ამ მიზეზის გამო ვერ ესწრება ის საკრებულოს დღევანდელ სხდომას. მოგვეცით მუშაობის საშუალება და განცხადებები დღის წესრიგით გათვალისწინებული საკითხების ამოწურვის შემდეგ გააკეთეთ“.

ამ მომენტიდან კამათში დაზარალებული ბესო ქათამაძე ჩაერთო, რომელმაც ინციდენტის დღეებში ლურჯუმელიძის საქციელს სამარცხვინო უწოდა:

„პასუხისმგებლობას არ იღებთ და განცხადებასაც ვერ აკეთებთ. არაფერს არ ვუშლით ჩვენ საკრებულოს ხელს. ადამიანი, ავტო ბატონი ჭაკელიძე რომ ზის, მოგეპარება სამარცხვინოდ ზურგიდან, ჩაგარტყამს, მერე გარბის პოლიციაში და ადამიანს ადებს ხელს, რომ დამნაშავე ის არის, დაიჭირეთო, როგორ უნდა იჯდე ასეთ ადამიანთან?! წესრიგს ვერ იცავთ თქვენ, ბატონო გიორგი და თქვენი საქციელი, ჩვენ რომ ვშიშობოდით, იმ დღეებში, იყო სამარცხვინო“.

ქათამაძის დაწყებული ლანძღვა

უფროსობით ხარისხში აიყვანა დავით მჭავანაძემ:

„ელემენტალური პასუხისმგებლობის გრძობა და განცდა არ გაგაჩნიათ... კეთილი უნდა ინებოთ და პასუხისმგებლობა აიღოთ, მაგრამ პასუხისმგებლობა რომ აიღოთ, პირველ რიგში, პასუხისმგებლობის განცდა უნდა გაგაჩნდეთ, და როცა არ გაქვთ პასუხისმგებლობის გრძობა, იწებთ ისეთი, როგორც ხართ. ეს არის სიმართლე“.

დავით მჭავანაძემ თავისი ხმამაღალი გამოსვლებით „დარბაზის სიერცემში“ ჩაკარგა ლურჯუმელიძის რამდენიმე „დაბრმანდი“:

„ოზურგეთის მუნიციპალიტეტის საკრებულოს თავმჯდომარე და მოადგილე გააკეთონ განცხადება, იღებენ თუ არა პასუხისმგებლობას – ან კი, ან არა. გამგეობა არ გყოფნით, რომ შეაფასოთ პროცესები, იმიტომ, რომ ძალიან კარგად იცით, თქვენი თანაგუნდელები მოძალადე დამნაშავეები არიან... აიღეთ პოლიტიკური პასუხისმგებლობა. თქვენ მე ვერ მიკარნახებთ, დაგებრძნებთ, ავდებთ, თუ რას ვიზამ. იმედია, არ გააკეთებთ კიდევ ერთ სამარცხვინო განცხადებას, რომ ესენი „ნაციონალური მოძრაობიდან“ გადმონერგვლები არიან. მერე, რა რომ ბატონი კილაძე, ჩვენი ხელისუფლების დროს პროკურორი იყო... ვერ აფასებთ მოვლენებს. აქ მოხდა ანგარიშსწორება, ადამიანზე თავდასხმა, ამას ყველაფერს თქვენ გაუკეთეთ იგნორი, დამრძანდის მეტი ამდენი ხანია თქვენგან არაფერი გამოივლია. იმიტომ, რომ სალაპარაკო არ გაქვთ, ვერაფერს

ვერ იტყვი, ვერც მორალურად და ვერც ადამიანურად...“

აყალ-მაყალის დასასრულს ლურჯუმელიძეს სკამისა და თანამდებობის დაკარგვა უწინასწარმეტყველა ბესო ქათამაძემ:

„ჩვენ დაგებრძნებთ, მაგრამ თქვენ მალე აბრანდებით მავ სკამიდან, თქვენ, ბატონო გიორგი! ჩვენ დაგებრძნებთ, მაგრამ თქვენ დატოვებთ მავ თანამდებობას ძალიან მალე! მოძალადეები კიდევ წახალისეთ, რა უნდა ვილაპარაკო თქვენთან?!“

ამის შემდეგ, „ნაციონალების“ დეპუტატებმა ისე დატოვა დარბაზი, სამანდატო, საპროცედურო, ოურიდიულ საკითხთა და ეთიკის კომისიის თავმჯდომარის ეროდი გორდელაძის განცხადებისთვისაც არ დაუგდია ყური, რომ ფრაქცია „ერთიანი ნაციონალური მოძრაობის“ თავმჯდომარე თორნიკე გოგუაძე გადადგა ფრაქციის თავმჯდომარეობიდან და ამ თანამდებობაზე ფრაქციის წევრებმა აირჩიეს დავით მჭავანაძე.

სხდომაზე განცხადება გააკეთა ოზურგეთის საკრებულოში ფრაქცია „ქართული ოცნება – დემოკრატიული საქართველოს“ თავმჯდომარის მოადგილე გელა ჩაველიძემ:

„ფრაზა „იმდენი შეგვიძლია, რამდენიც ვიცით“ კარგად ასახავს „ნაციონალური მოძრაობის“ წარმომადგენლის ბოლოდროინდელ პროვოკაციულ ქმედებებს. მან პოლიტიკურ პროცესებში მონაწილეობის ერთადერთ გზად დესტრუქციული მეთოდები აირჩია.

დაგვეძლ ცილისმწამებლურ, დი-

რსების შემოახავ კამპანიას და საჯარო სივრცეში მიყენებულ სიტყვიერ შურაცხყოფას მოჰყვა ინციდენტი, რომელიც, სამწუხაროდ, ფიზიკურ დაპირისპირებაში გადაიზარდა.

ჩვენ, რა თქმა უნდა, ვემიჯნებით ყოველგვარ ძალადობას და მაღალი პოლიტიკური პასუხისმგებლობიდან გამომდინარე, ჩვენი ხელწერა იწება მხოლოდ კანონისმიერი პასუხი ყველა პროვოკაციაზე. ფრაქცია „ქართული ოცნება – დემოკრატიული საქართველო“ ყოველთვის იდგა და დღესაც დგას პოლიტიკური პლურალიზმის სადარაჯოზე.

შეუძლებელია აიბულო ადამიანი, თავის შესაძლებლობაზე მეტი გააკეთოს, თუმცა, მოვეუწოდებთ დაპირისპირების ინსტიტუტს, უარი თქვას პოლიტიკურ პროცესებში პროვოკაციული და ძალადობრივი ელემენტების შემოტანაზე...“

შეგახსენებთ, რომ საკრებულოს „ქართული ოცნების“ დეპუტატებსა და ბესო ქათამაძეს შორის ფიზიკური დაპირისპირება მოხდა 15 ივნისს, რა დროსაც ბესო ქათამაძემ თავის ტრავმა მიიღო და გონი დაკარგა. საქმეზე პირველი სასამართლო სხდომა შედგა 17 ივნისს ოზურგეთის რაიონულ სასამართლოში. მოსამართლე მარინა კინაძემ ფრაქცია „ქართული ოცნების“ თავმჯდომარეს გელა ჩაველიძეს, რომელმაც თავი ნაწილობრივ დამნაშავედ ცნო, 5-ათასლარიანი ჯარიმა შეუფარდა. მორიგი სასამართლო სხდომა ჩანიშნულია 14 აგვისტოსთვის.

## ბიუჯეტის გაკლიერება თუ კერძო ბიზნესის ინტეგრაცია?



ოზურგეთის მუნიციპალიტეტის საკრებულოს სხდომაზე მუნიციპალიტეტის მერიის მიერ ინიცირებული საკითხის პარკირების საფასურის გაზრდის შესახებ საკრებულოს დეპუტატების ერთი ნაწილის მწვავე რეაქცია მოჰყვა.

მერიის მიერ შემუშავებულ საკმაოდ სქელტანიან დოკუმენტის პროექტი პარკირების რეგულირებას იხსნავს მხნად და გარკვეულწილად თანხების გადახდა უფრო გამჭვირვალე ხდება. პროექტი ითვალისწინებს პარკირების საფასურის გადახდას: პარკირების ტაღონის შექმნით; სწრაფი გადახდის აპარატის გამოყენებით; პარკინგის საშუალებით; საბანკო ტრანსაქციით; ელექტრონული გადახდის სხვა საშუალებებით.

დეპუტატების შეკითხვები გამოიწვია დანართ №2-ში მოცემულ პარკირების ზონისა და დროის მიხედვით საფასურის გადახდის წესმა: „წითელ ზონის საზღვრებში დღის (08-19 სთ.) განმავლობაში პარკირე-

ბის ღირებულება 1 საათში-1 ლარი იქნება; „“ ზონაში -0,5 ლარი; ხოლო „ჩ“ ზონაში დაწესდება პარკირების უფასო რეჟიმში მერიის მიერ შემოტანილ პროექტის გარეშე თავისი შენიშვნები დააფიქსირა ფრაქცია „ოზურგეთის მმართველობა და ხელმოკლეთა ინტერესებისთვის“ თავმჯდომარე შოთა გოგობერიძემ.

ფრაქცია „ქართული ოცნების“ თავმჯდომარის მოადგილე მარიკა ჩხიკვიშვილმა, განათლების, კულტურის, სპორტის, ახალგაზრდულ საქმეთა, ჯანმრთელობისა და სოციალურ საკითხთა კომისიის თავმჯდომარე ლელა საჯაიამ გამოთქვა აზრი, რომ პარკირების ეს მოდელი კიდევ უფრო დაზარალებს მოსახლეობას და გადასახადების მთელი სიმძიმე მათ დაწევბათ კისრზე, რადგან ის კერძო ტაქსები, რომლებიც ამ ეტაპზე ბაზრის წინ დგომისათვის 30 თეთრს იხდიან, პარკირების გადასახადის გაზრდისთანავე გაზრდიან მგზავრთა გადაყვანის საფასურს.

სოფელ მელექელურის მაჟორიტარმა დეპუტატმა ლევან კილაძემ მერიის წარმომადგენელს ალექო ბერიძეს დაუსვა კითხვა: —ეს გადასახადი მიმართულია პარკირების მოწესრიგებისკენ თუ ბიუჯეტის გაძლიერებისკენ?

ბერიძის პასუხი იყო —პარკირების მოწესრიგებისკენ. მისი ეს პასუხი განპირობებული იყო იმით, პარკირების უკან კერძო ბიზნესი დგას და ამით სახელმწიფოს ხეირი მიზერულია.

— რა ხდება, რა მგლური კაპიტალიზმია, ვერ გავიგე არის სხვა მუნიციპალიტეტებში მსგავსი პრაქტიკა?— განაცხადა სოფელ ასკანის მაჟორიტარმა დეპუტატმა ლევან ნინიძემ.

ალექო ბერიძემ მსგავსი პრეცედენტი ვერ დაასახელა.

პარკირების საფასურის გაზრდის მომხრეა საკრებულოს სამანდატო, საპროცედურო, ოურიდიულ საკითხთა და ეთიკის კომისიის თავმჯდომარე ეროდი გორდელაძე, სივრცით ტერიტორიული დაგეგმარებისა და ინფრასტრუქტურის კომისიის თავმჯდომარე ლაყერნტი ბიგვაგა. მათი ასეთი პოზიცია განპირობებულია პარკირების მოწესრიგების სურვილით.

გაზეთ „ალიონთან“ პარკირების გადასახადის ზრდასთან დაკავშირებით თავისი პოზიცია დააფიქსირა ოურისტმა ირაკლი პაპავამ:

—გაუმართლებელი ნაბიჯია. არ წარმოუდგენიათ, რა სარგებელი აქვს პარკირებისაგან ბიუჯეტს.

საბოლოოდ საკითხი საჯარო ადმინისტრაციულ განხილვაზე გადასწავლილ დასახადის ზრდასთან დაკავშირებით თავისი პოზიცია დააფიქსირა ოურიდიული პარკირების გადასახადის გაზრდა.

## სატრანსპორტო საშუალების პრაქტიკული მართვის სწავლებისათვის განკუთვნილი საავტომობილო გზები ძალაქ ოზურგეთში



ოზურგეთის მუნიციპალიტეტის საკრებულოს 18 ივლისის სხდომაზე მიიღეს განკარგულება „ქალაქ ოზურგეთის ტერიტორიაზე სატრანსპორტო საშუალების პრაქტიკული მართვის სწავლებისათვის განკუთვნილი საავტომობილო გზების სიის დამტკიცებისა და საგზაო ნიშნებისა და მონიშვნების დაგეგმარების შესახებ“.

ამ განკარგულების მიხედვით, ქალაქ ოზურგეთის ტერიტორიაზე სატრანსპორტო პრაქტიკული მართვის სწავლებას (სასწავლო სვლა) დაეთმობა შემდეგი ქუჩები: ბესიკის, აღმაშენებლის, ბაქრაძის, რუსთაველის, გურამიშვილის, გამსახურდიას, ჯავახიშვილის, ფარნავაზ მეფის,

ლოლიძის, ჭავჭავაძის, კეჭავაძის, 26 მაისის, გაბრიელ ეპისკოპოსის, ბათუმის, ანდლუღაძის, ლესელიძის, ერისთავის, 9 აპრილის, პეტრიწის, სახოკიას, ნიკოლაძის, ჟღენტის, სანაპიროს, ჟორჟოლიანის, ნინოშვილის, მოსკოვის, გრიშაშვილის, თავისუფლების, ჭანტურას, რამიშვილის, გურიის, თაყაიშვილის, ნაკაშიძის. მართვის მოწმობის პრაქტიკული გამოცდისათვის მომზადებულ სამსამარშრუტო ტრასაზე დაყენდება 49 სახის სხვადასხვა ნიშანი, მათ შორის ექვსი ცალი რკინიგზის უშლაგაუმო გადასავლელი, ორი ცალი ერთლიან-ნდავიანი გადასავლელი, ოთხი ცალი შექნილი რეგულირება, 198 ცალი ქვეითთა გადასავლელი და ა. შ.

# სოფელი ოზურგეთი - პრიორიტეტები და პრობლემები

მარი კოპოიანი



„აქ გაუვალი ტყე ყოფილა. ჩვენი სოფელი დაარსდა 1885 წელს. თავდაპირველად 15 რუსული ოჯახი დასახლებულა“ - გვიყვება სოფელ ოზურგეთის რწმუნებული ბადრი თავლეშაძე. ამჟამად სოფელში 608 კომლი ცხოვრობს, საკმაოდ მჭიდროდაა დასახლებული.

როგორც რწმუნებული გვეუბნება, „ოზურგეთში ბევრი რამ გაკეთდა“ და ჩამოთვლას იწყებს: რამდენიმე უბანში მოეწყო სანიღვრე არხები და მილნიდები, შეიღობა სასაფლაო დასახლებით 800 მეტრი სიგრძის ღობით. სოფლის თითქმის 90%-ში მოეწყო გარე განათება. ამისთვის 320 ნათურა დაგვიწირდა. დარჩა მხოლოდ რამდენიმე უბანი, სადაც საჭიროა განათების ჩამატება. მალე მოეწყობა განათება სასაფლაოზეც. დადგენილი 30 ნაგვის ურნა. შემოიღობა სკოლის ეზო, დაიდგა 135 მეტრი ღობე. „ენერჯოპროჯორჯია“ შეეწყობა, გამოვცვალებ ყველა ქვესადგური და მაღალი ძაბვის სისტემა. მალე, ალბათ, კულტურის სახლის რეაბილიტაციაც დაიწყება. პროექტი უკვე მზადაა.

**ბადრი თავლეშაძე:** ჩვენ

სოფელში ბევრი კარგი რამე გაკეთდა, მაგრამ განსაკუთრებით უნდა აღინიშნოს ბავშვთა ბაღი. ეს იყო მოსახლეობის ყველაზე დიდი სურვილი. სამუშაოები შპს „ვიგორამ“ შემასრულა. პროექტის ღირებულება 380 000 ლარი იყო. ბაღი ექსპლუატაციაში 2017 წლის ზამთარში შევიდა. 56 ბავშვია ჩვენს ბაღში. ამ ეტაპზე ორი ჯგუფია, მაგრამ შენობა სამ ჯგუფზეა გათვლილი.

**როგორც ვიცით, ბაღში პრობლემებია, უნარისხოდ შემსრულებელ სამუშაოზეა საუბარი.**

— კი, არის რაღაც პრობლემები. გათბობა არ მუშაობს გამართულად. საკმარისად ვერ თბება შენობა. ამისთან კოსმეტიკური მხარეც შეიღობა, ნაჩქარევი გაკეთებულია. ჭირდება ხელმეორედ შეღებვა.

**— ამ ეტაპზე რა არის თქვენთვის ნომერ პირველი პრიორიტეტი, რა პრობლემის მოგვარება სურს, პირველ რიგში, მოსახლეობას?**

— შეიძლება ითქვას, ხალხის ოცნებაა წყალი. სოფელ ოზურგეთის არც ერთ უბანს არ აქვს წყალი. არის მხოლოდ არტეზიული ჭები. გვინდა, რომ

გაკეთდეს პროექტი, რომლისთვისაც გვეჭირდება თანხები და შესაბამისად მერიის დახმარება. გვაქვს ძალიან კარგი ადგილი, სადაც შეიძლება მოეწყოს წყლის სისტემა, მაგალითად, მდინარე ნატანებზე. ასევე სადაც ადრე იყო სათავე ნაგებობა ბაილეთის საზღვართან, სამანდარინესთან. ადრე იქ იყო აუზი.

**— რა მდგომარეობაშია შიდა გზები, ხომ არ იგეგმება გზების მოწყობა?**

— სოფლის შიდა გზები არის სულ 23 კილომეტრი. აქედან მოასფალტებულია და-

**იქიდან დაზარალებულ ოჯახებს?**

— ადგილობრივი ბიუჯეტიდან დახმარება გაეწია 2017 წლის 23 აპრილის სტიქიისგან დაზარალებულ 30 ოჯახს. აქედან 26 ოჯახს საჭირო მასალა გადაეცა. 4 სოციალურად დაუცველ ოჯახს ადგილობრივმა ხელისუფლებამ თავად გადაუხურა სახლები.

**— საყანე ფართობები დაითესა?**

— 2 წელია საყანე ფართობების ერთი გოჯიც არ დაგვიტოვებია დაუთესავი. ასე ვთქვათ, ვიშუამდგომლე ტექ-



ნოლოებით 30 %. შარშანწინ მოეწყო გურიანთასთან დამაკავშირებელი გზა 700 მ. ცენტრალური გზები, მაგალითად, ბაილეთთან და ნატანებთან დამაკავშირებელი, სრულადაა მოასფალტებული.

**— როგორც ვიცით, ტაძრის მშენებლობა დაიწყო, რა ეტაპზეა პროცესი?**

— დაიწყო, ვაშენებთ წმინდა ნიკოლოზის სახელობის ტაძარს. ეს იქნება ბაზილიკა 12,5 - 6 მეტრზე. ამ სოფელში არასდროს ყოფილა ეკლესია.

**— დახმარა თუ არა ადგილობრივი ხელისუფლება სტ-**

იკის მეპატრონეებთან. დავეითესეს ფართობები და თანხას ეტაპობრივად გადავიხდით. ასევე შემოიღობა საყანე ფართობები, მაგრამ კიდევ დარჩა რაღაც ნაწილი შესაღობი.

**— ვიცით, რომ სურსათის უვნებლობის სამსახური ატარებს ფაროსანას საწინამდებელო წამლობას. თავად მოსახლეობა რამდენად აქტიურია, წამლავენ საკუთარ ფართობებს?**

— უკვე მესამე ეტაპის წამლობა მიმდინარეობს. ჩვენ გვაქვს 6 აპარატი, რომელიც სურსათის უვნებლობამ გად-

მოგვცა. ვისაც სურვილი აქვს, შეუძლია ისარგებლოს. მოსახლეობის დიდმა ნაწილმა შექმნილი საკუთარი საკარმიდამოები. ეს იმას ნიშნავს, რომ უკეთესი მოსავალი ექნება თხილს.

— თხილის კარგი მოსავალი მართლაც რომ მნიშვნელოვანია ოზურგეთელებისთვის. როცა სოფელში პრობლემების ადგილზე ვასაცნობად გავედით, თვალში სიღარიბე და სოციალურად დაუცველი ადამიანების სიმრავლე მოგვხვდა.

**ბადრი თავლეშაძე:** „ჩვენს სოფელში 26 ოჯახი იღებს სოციალურ დახმარებას. არიან ისეთებიც, რომლებსაც ჰქონდათ დახმარება და მოეხსნათ, არადა, მათთვის ეს თანხა სასიცოცხლოდ მნიშვნელოვანია“

ერთ-ერთ ასეთ ოჯახში რწმუნებულთან ერთად მივედით. **მარიამ მეგრელიშვილი** 2-სულიანი ოჯახს 130 000 ლარს იხდის საცხოვრებლად თითქმის უვარგის სახლში ყველანაირი შემოსავლის გარეშე ცხოვრობს. ის ერთი სულია საქონელიც ადარ ჰყავთ, რომლის გამოც მათი ვარაუდით დახმარება ვერ მიიღეს. 80 წლის დასახლისს უფასო

სასადილოდანი მიჰქონდა სახლში საჭმელი. ახლა სიარულიც აღარ შეუძლია. დედა-შვილი ამბობს, რომ საქართველოს პარლამენტის მაჟორიტარი დეპუტატი არჩილ თალაკვაძე შეწუხებულა მათი მდგომარეობით და დახმარება. ახლა შესაბამის სამსახურში ერთჯერადი 100-ლარიანი დახმარების თხოვნით შეიტანეს განცხადება, მაგრამ ეს მცირედი იგვიანებს. 55 წლის ვლადიმერ მეგრელიშვილი უმუშევარია.

**— უმუშევარი სოფელ ოზურგეთში კიდევ ბევრია?**

— „უდიდესი პრობლემაა უმუშევრობა. მუშაობს სამი თხილის საწარმო, სადაც ადგილობრივები არიან დასაქმებული, მაგრამ სეზონურად. ეს სოფელი მცირემიწიანია. სოფლის მეურნეობით გლეხი თავს ვერ ირჩენს, ამიტომ აუცილებელია გაკეთდეს წარმოები. ადრე აქ იყო წისქვილკომბინატი, სადაც ამ სოფლიდან 180 ადამიანი მუშაობდა.“ გვეუბნება თავლეშაძე და ჩვენთან საუბარს პოზიტიურ ნოტზე ასრულებს „მოსახლეობა დადებითადაა განწყობილი ხელისუფლების მიმართ, მგონი ჩემს მიმართაც.“



## დასუფთავებისთვის მოსაკრებლის ოდენობის უმეორებისა და გადახდის ინსტრუქცია დამტკიცდა



ოზურგეთის მუნიციპალიტეტის საკრებულოს 18 ივლისის სხდომაზე დაამტკიცეს მუნიციპალიტეტში დასახლებული ტერიტორიის დასუფთავებისთვის მოსაკრებლის ოდენობის შემოღებისა და გადახდის ინსტრუქცია.

ინსტრუქციის მიხედვით, ერთ სულ მოსახლეზე მოსაკრებლის ოდენობა განსაზღვრულია თვეში 0,40 ლარით. ერთ სულ მოსახლეზე „სოციალურად დაუცველი ოჯახების მონაცემთა ერთიანი ბაზაში“ 0-დან 150 001-მდე

ქულის მქონე პირებისათვის მოსაკრებლის ოდენობა შეადგენს 0,20 ლარს თვეში. ოჯახის წევრთა რაოდენობის მიუხედავად, სულადობის მაქსიმალური ზღვრული ოდენობა განსაზღვრულია 4 სულით.

დაწესებულებებისათვის, ორგანიზაციებისათვის ინდივიდუალური მეწარმეებისა და იურიდიული პირებისათვის მოსაკრებლის განსაზღვრული რაოდენობის სრული ჩამონათვალი შეგიძლიათ იხილოთ მუნიციპალიტეტის საკრებულოს ვებ-გვერდზე.

მოსაკრებელი არ დაერიცხება საწარმოო ობიექტებისა და ორგანიზაციების შენობა-ნაგებობების ფართს ან მათ ნაწილს, ღია ტერიტორიების ფართს ან მათ ნაწილს, რომლებიც, სხვადასხვა მიზეზის გამო, არ ფუნქციონირებს, გამოუყენებელია და არ წარმოიქმნება ნარჩენი.

ასევე არ დაერიცხება მოსაკრებელი ინფრასტრუქტურის ფართზე (დამხმარე სამეურნეო ნაგებობა, ავტოსადგომი, შიდა ბიბლიოთეკა, საქვაბე, სამრეცხაო შიდა მომსახურებისათვის, სასადილო, სკვერი, საკონფერენციო დარბაზი). სპეციალიზებული, სახელოვნებო, საგანმანათლებლო დაწესებულებებში, სადაც სწავლების პროცესი მიმდინარეობს გრაფიკით, აღსაზრდელთა და მოსწავლეების რაოდენობა იანგარიშება საერთო სიის მიხედვით, ხოლო სტუდენტებზე კი სტატუსის (აქტიური) გათვალისწინებით.

მოსაკრებელი მთლიანად ჩაირიცხება ოზურგეთის მუნიციპალიტეტის ბიუჯეტში. მოსაკრებლის დარიცხვა მოხდება კალენდარული თვის ბოლო დღის მდგომარეობით, გადახდის ვადა — მომდევნო თვის 20 რიცხვის ჩათვლით

## სათათბირო ორგანოს - საბჭოს პირველი უმხგედრა



ოზურგეთის მუნიციპალიტეტის მერიაში შეზღუდული შესაძლებლობების მქონე პირთა საკითხების შემსწავლელი სათათბირო ორგანოს-საბჭოს პირველი უმხგედრა გაიმართა, სადაც დებულების შედგენისა და სხვა საკითხებთან დაკავშირებით იმჯელებს. აღნიშნული საბჭო შშმ პირთა ღირსეული თანაცხოვრებისა და თანაბარი შესაძლებლობების უზრუნველყოფისათვის, აუცილებელი პირობების შექმნის საკითხების შესწავლისათვის შეიქმნა. საბჭოს თავმჯდომარე ოზურ-

გეთის მუნიციპალიტეტის მერი **კონსტანტინე შარაშენიძე**.

შეხვედრას მერის მოადგილე ირაკლი სირაძე დაესწრო, რომელიც საბჭოს თავმჯდომარის მოადგილეა, ასევე საბჭოს წევრები-ადმინისტრაციული, მონაწილეობითი დაგეგმვისა და კომუნიკაციის სამსახურის უფროსი გიორგი ინწკირველი, საფინანსო-საბიუჯეტო სამსახურის უფროსი ვია მამაკაიშვილი, განათლების, კულტურის, სპორტის და ახალგაზრდულ საკითხთა სამსახურის უფროსი მარინა ჯაფარიძე, ოზურგეთის მუნიციპალიტეტის საკრებულოს, განათლების, კულტურის, სპორტის, ახალგაზრდულ საქმეთა, ჯანმრთელობისა და სოციალური საკითხთა კომისიის თავმჯდომარე ლელა საჯავია, საქველმოქმედო ასოციაცია „გური“-ს არაკომერციული ჰუმანიტარული ორგანიზაციის თავმჯდომარე რომან ლომაძე და საბჭოს სხვა წევრები დაესწრნენ.

# „სუნიშვილების“ მოცეკვავის გურული სტარტი

## „ქართული ცეკვა – ქართველი კაცის არსებობის წესი, მისი სუნთქვა და მენტალიტეტის გამოვლენა.“

მარი კობახიძე



თუ რამით შეგვიძლია ქართველებმა ვიამაყოთ, ეს ქართული ხალხური ცეკვაა. საამაყო მოცეკვავეებიც ბლომად გვყავს. თამამად შეიძლება ვთქვათ, რომ ჩვენმა ქალაქმაც შეიტანა არცთუ მცირე წვლილი ქართულ ქორეოგრაფიაში. ოზურგეთში აღზრდილი მოცეკვავეები ხშირად გვინახავს დიდ სცენებზე.

დღეს ერთ მოცეკვავეზე, ლაშა ხურციძეზე მოგიყვებით, რომელმაც ცეკვის შესწავლა 11 წლისამ, გურიის ბავშვთა ქორეოგრაფიულ ანსამბლ „მეგობრობაში“ დაიწყო.

„მოცეკვავის ცხოვრება

ძალიან საინტერესოა. მიუხედავად იმისა, რომ ძალიან დიდ ფიზიკურ შრომას მოითხოვს, შენი პროფესიის სიყვარული გაკეთებინებს შენს საქმეს. ყველა მოცეკვავისთვის, მაყურებლის ოვაცია და ტაში არის ძალიან დიდი სიამოვნება, რომლისთვისაც მოცეკვავე შრომობს და ვარჯიშობს ყოველდღიურად მინიმუმ ექვსი საათი“, - გვეუბნება ლაშა.

ლაშა ხურციძე წარმატებული მსახიობ-მოცეკვავე ქორეოგრაფიაა. ჯერ კიდევ 17 წლის ასაკში, გურიის სახელმწიფო ანსამბლში შეუდგა ქორეოგრაფობას. პედაგოგიურ საქმიანობას ეწეოდა

სერგო ზაქარაიძის სახელობის ტრადიციულ და თანამედროვე ხელოვნების კოლეჯშიც.

ლაშა ხურციძე: „11 წლის ვიყავი გურიის ბავშვთა ქორეოგრაფიულ ანსამბლ „მეგობრობაში“ რომ მივედი. 17 წლის ასაკიდან ვიყავი ქორეოგრაფი გურიის სახელმწიფო ანსამბლში. 20 წლის ასაკში ჩავაბარე ქორეოგრაფიულ სასწავლებელში, თბილისში. შემდეგ ისევ დაებრუნდი ოზურგეთში ქორეოგრაფიული საქმიანობის გამო“.

22 წლის უკვე ქართულ ნაციონალურ ბალეტ „სუნიშვილებში“ მსახიობ-მოცეკვა-

ვე გახდა.

„სუნიშვილები“ - ეს ყველა მოცეკვავის ოცნებაა. თუკი ცეკვა შენი პროფესიაა და „სუნიშვილებში“ ცეკვავ, ეს უმაღლესი მწვერვალია“, - ამბობს ლაშა.

განსაკუთრებით აღნიშნავს, რომ ამ „მწვერვალისკენ“ მიმავალ გზაზე ხელი გურულებისთვის საყვარელმა ქორეოგრაფმა, ჯუმბერ ღუნდუამ შეაშველა:

„ბატონმა ჯუმბერ ღუნდუამ ძალიან დიდი წვლილი შეიტანა ჩემს ქორეოგრაფიულ წინსვლაში. ის დამეხმარა ჩემი ოცნების რეალობად ქცევაში. გურიის სახელმწიფო ანსამბლში ჩაყარა საფუძველი ჩემს ქორეოგრაფიულ კარიერას“.

ანსამბლ „გურიას“ დღევანდელი ხელმძღვანელი, ჯუმბერ ღუნდუა, „გურიაში“ ლაშა ხურციძის სწავლის და პედაგოგობის პერიოდს იხსენებს:

„ლაშა მამაჩემის აღზრდილია. გამორჩეული იყო სამშემსრულებლო ტექნიკით და საცეკვაო ოსტატობით. არაერთ ცეკვაში ქონდა თავისი სოლო, „ცდო“, „მხედრული“, „მეგობრობა“, „ხევსურული“, „ჯუთა“ და სხვა. არაჩვეულებრივი პიროვნებაა, გამოირჩევა საქონისადმი სიყვარულით, პიროვნებისადმი ერთგულებით. ჩვენთან ყოფნის დროს გამოაჩინა შესა-



ძლებლობები, შრომისუნარიანობა, განსაკუთრებული პედაგოგიური ნიჭი“.

ალბად, არ არის მარტივი იყო მოცეკვავე, ქორეოგრაფი თან, როგორც ამ კონკრეტულ შემთხვევაში აღნიშნავენ, წარმატებული. მიუხედავად ამისა, ჩვენი რესპოდენტი მიიჩნევს, რომ პროფესიის არჩევას სწორი გადაწყვეტილება მიიღო. ცეკვამ ჩამოაყალიბა როგორც პროფესიონალი, პიროვნება.

„ავიზრდები თუ არა პროფესიად ისევ ცეკვას? დიახ, რა თქმა უნდა. იმიტომ, რომ განვლილი წლების გა-

მავლობაში ქორეოგრაფიამ, კონკრეტულად ქართულმა ტრადიციულმა ცეკვებმა ჩემს პიროვნულად ჩამოყალიბებაში დიდი როლი შეასრულა.

არსებობს ღირებულებები, რომელთა გარეშე ერის, ხალხის, მისი ხასიათის წარმოდგენა არათუ ძნელი, არამედ წარმოუდგენელიცაა. სწორედ ასეთი მოვლენაა ქართული საცეკვაო ხელოვნება. ქართული ცეკვა - ქართველი კაცის არსებობის წესი, მისი სუნთქვა და მენტალიტეტის გამოვლენა“, - ამბობს ჩვენი რესპოდენტი.

## ამ თაობასაც დაივიწყებენ...



გაზეთ „ალიონის“ ფურცლებზე განსაკუთრებით მიზიდავს ჩვენი მხარისა და ქალაქის ისტორია, ნაკლებად ცნობილი თუ უცნობი პიროვნებების ბიოგრაფიები. გაზეთის 25 ივნისის

ნომერში, ოზურგეთის ისტორიული მუზეუმის მთავარი მცველის მანანა ლომაძის საინტერესო სტატია დაიბეჭდა „მუსიკალური სკოლა“, ჩემთვის ბევრი უცნობი ინფორმაცია გავიყვ იაღვივა

(აღ) ვაღერის ასულ შეფერზე, რამაც მე ბავშვობის გახსენების სურვილი აღმიძრა, რადგან ცხოვრების ადრეული ეტაპი ამ სკოლასთან იყო დაკავშირებული.

მუსიკალური სკოლა მაშინ ამჟამინდელი ჭავჭავაძისა და იოსებ კეჭეყაძის ქუჩის კვეთაზე იდგა. ხის ფიჯრული შენობას თლილი ქვის ბოძები ჰქონდა.

ამ სკოლაში დედამ 1955 წელს მიმიყვანა. მივიწვიე ღირექტორის კაბინეტში, რომელიც ვიწორ ოთახს წარმოადგენდა სკოლაში მიმდინარე რემონტის გამო. კუთხეში წიგნებით სავსე კარადა იდგა, ნოტები ფანჯრის რაფაზე ელაგა. ღირექტორის მაგიდის უკან დიდ, შემინულ ჩარჩოში სტალინის პორტრეტი ეკიდა.

საწერ მაგიდასთან იჯდა საოცრად მომხიბვლელი ქალბატონი, მუქი ფერის კაბით და გიშრის მძივებით.

დღემ გააცნო ჩვენი მისვლის მიზეზი. ქალბატონი მეტყველებდა გამართული რუსულით, მაგრამ რაღაც უჩვეულო პრონონსით. სანამ განცხადება იწერე-

ბოდა, ივსებოდა ანკეტა, ქალბატონმა გაიხსენა, როგორ ჩამოვიდა საფრანგეთიდან გურიაში, როგორ დაარსა საკუთარ სახლში მუსიკალური სკოლა, როგორ დადიოდა კარდაკარ და თხოვდა მეზობლის ბავშვებს, მუსიკალურ სკოლაში ესწავლათ.

ამ საუბრის დროს კარი გაიღო და ოთახში შემოვიდა თეთრ კოსტიუმში გამოწყობილი მალალი, წარმოსადეგი მამაკაცი, ლამაზი, მოღიმარი თვალებით. მე და დედა გავიწვიეთ და გზა დავეუთეთ. თავდაპირველად პედაგოგი გვეგონა, მაგრამ ქალბატონმა ღირექტორმა გაგვაცნო თავისი მეუღლე ბატონი მიხეილ თაყაიშვილი.

პირადი საქმისათვის მიგვატანინეს ჩემი დაბადების მოწმობა და სურათი. შემდეგ ამ მოწმობის არსებობა დაგვაიწვიდა და როცა მამასთან გერმანიაში წავედი (მამაგიორგი ჯინორია სამხედრო ექიმი იყო და იქ მსახურობდა), ახალი ავიღე. 60-იან წლებში არდაგებებზე ჩამოსულს, სახლში დამხვდა ძველი მოწმობა, რომელიც კეთილ ადამიანს უნახავს

მუსიკალური სკოლის არქივში და სახლში მოგვიტანა.

როგორც ვთქვით, მუსიკალური სკოლა მდებარეობდა ამჟამინდელი ჭავჭავაძისა და კეჭეყაძის ქუჩის კვეთაზე. იქ, ახლა სადაც ცარიელი ადგილია, იყო დიდი ხის შენობა, 4-5 საფეხურიანი ქვის კიბით, რომლითაც შევიდიოდით შუშაბანდიან მოსაცდელში. იქვე იდგა ხის სკამები და იქედან შევიდიოდით გავკეთილზე. პირდაპირ იყო საკანცელარიო, ხელმარცხნივ გადიოდა დერეფანი, დერეფნის გასწვრივ მდებარეობდა საკლასო ოთახები. დერეფანი გადიოდა გაზეთ „ალიონში“ გამოქვეყნებულ სურათზე ნაჩვენებ უკანა კიბეზე. ქუჩას გადმოჰყურებდა საკონცერტო დარბაზი, დაბალი სცენით და ჭერამდე ფანჯრებით.

კედელზე ცნობილი კომპოზიტორების პორტრეტები ეკიდა, ხოლო სცენაზე იდგა ფენებმორჩეულთა მუზეუმი. ჩემს განსაკუთრებულ ყურადღებას იპყრობდა როიალის ტაფაზე ამოტვიფრული საიმპერა-

ტორო გერბი, რაც იმ დროს იშვიათობა იყო.

რადგან მე რუსულენოვანი ვიყავი, ჩამაბარეს ქალბატონ ანა კვიციანი-კვიციანი. შემდეგ იყო ნინო მარი, კარინა მასწავლებელი, რომლებიც ბათუმიდან და თბილისიდან დადიოდნენ. კარინა მასწავლებელი ერევნიდან იყო. მან ჩამოიტანა ოზურგეთში 1956 წლის 9 მარტის ტრაგიკული ამბები.

მუსიკალური სკოლა მამინაც განიცდიდა მამაკაცი პედაგოგების ნაკლებობას. მამაკაცი პედაგოგებიდან გამოვიყოფიდი ვასო ქუთათელაძეს, რომელსაც სკოლაში მუდამ შემოჰქონდა გამოცოცხლება, პირდაპირ კიბეებიდან იწყებდა მხიარული ამბების მოყოლას. 60-იანი წლების დასაწყისში სკოლაში სომეხი ეროვნების პავლიკი ( გვარი არ მახსოვს) ქ. ბათუმიდან, მასწავლებლობდა. იგი ვიოლინოს ასწავლიდა. ვიოლინოს ჯგუფიდან დამამასხოვრდა მძევი, რეზო და დიმა შავიშვილები.

# ამ თაობასაც დაივიწყებენ...



**ალა შუჭვარი**

ისინი ძალიან კარგი ბიჭები იყვნენ. გერმანიიდან დაბრუნებულს ღირებულად შალვა ლორთქიფანიძე დამხვდა, რომელიც მალე სოფო პეტრიაშვილმა შეცვალა. მუსიკალური სკოლის პედაგოგები ძალასა და ცოდნას არ იშურებდნენ ჩვენთვის. დედამამიშვილივით, ან უფროსი დებივით დაგვტრიალებდნენ თავს. მართალია ჩემგან მუსიკოსი არ გამოვიდა, მაგრამ მათი წყალობით ვეზიარე დიდ ხელოვნებას, გავერკვიე დიდ მუსიკაში და ჩამომიყალიბდა შესაბამისი გემოვნება.

მე თავდაპირველად სოფელ მერიდან

დავდიოდი მუსიკალურ სკოლაში. მუსიკის გაკვეთილები დამთავრდებოდა თუ არა მიმჩქარებოდა სოფელში. ძირითადად მიწვევდა ამჟამინდელ ჭავჭავაძის ქუჩით მოძრაობა. ქუჩის გაგრძელებაზე იდგა შუშაბანდიანი სახლი, რომლის აბრაზე ეწერა „კულტურის სახლი.“ შემდეგ ეზოს სიღრმეში იდგა ცნობილი ექიმის, კლიმენტი ასათიანის სახლი; შემდეგ მოდიოდა ეთერ გობრონიძე-ნინიძის სახლი. 50-იანი წლების მეორე ნახევარში ეთერ გობრონიძის სახლი გადაიტანეს და ქუჩა გაიყვანეს ამჟამინდელი არქივის შემდეგ მდებარე ოთხსართულიანი საცხოვრებელი ბინის მიდამოებში.

მდინარე სკუპა ღია კალაპოტში მიედინებოდა და მის ნაპირებზე სახლები იყო განლაგებული. 60-იან წლების დასაწყისში მდინარე დახურეს და მოსახლეობა ძველი სახლებიდან კეთილმოწყობილ საცხოვრებელ ბინებში გადაიყვანეს.

ქუჩის ორთავე მხარეს რკინა-ბეტონის რიკულებიანი ღობე მიყვებოდა და რკინიგზის სადგურთან რკალს ჰკრავდა. რკინიგზის სადგურსა და სამშობიარო სახლს შორის ავტოსადგომი იყო, საიდანაც სოფელში ვბრუნდებოდი. შემდეგ წლებში ავტოსადგომი ამჟამინდელი სამამული ომის ობელისკის უკან, მოედანზე გადაიტანეს. შემდეგ რკინიგზის სადგურთან აიღეს ღობე და ფილიპე მახარაძის ბრინჯაოში ჩამოსხმული ძეგლი დადგეს. ახლა იმ ადგილას საათი დგას.

**პ.ს.** გურია ცნობილია ნიჭიერი,

მუსიკალური ადამიანებით, ფოკლორული და ქორეოგრაფიული ანსამბლებით, მაგრამ სანამ იადვება შეფერი ოზურგეთში ჩამოვიდოდა, მანამდე გურიაში მუსიკალური სკოლა არ იყო. უცხოტომელმა ადამიანმა მთელი ნიჭი, ცოდნა, ენერჯია, სიცოცხლე დაახარჯა ამ საქმეს.

ჩვენ დამსახურებულად ვამაყობთ გამოჩენილი ადამიანებით, მაგრამ იმავედროულად გვაყვიწყდება მათი აღმზრდელები. მართალია ოზურგეთის მეცნიერებისა და განათლების პროფაკვირმა დაარსა მისი სახელობის პრემია, მაგრამ ეს საკმარისი არ არის. ხომ შეიძლება ერთ-ერთი მუსიკალურ სასწავლებელს მისი სახელი მინიჭებოდა, ან ახლანდელი მუსიკალური სკოლის შენობაში მემორიალური დაფა გაიკრას სათანადო წარწერით.

ქალბატონო იადვება ამჟამინდელ მეგობრობის ქუჩაზე ცხოვრობდა. შეიძლება ამ ქუჩას მიენიჭოს მისი სახელი. ასეთი ადამიანების ცხოვრება საუკეთესო მაგალითია ახალგაზრდობის ეროვნულ-კულტურული ღირებულებების აღზრდისათვის. გვასწავლეს, თუ არ მივაგებთ სათანადო პატივს წინა თაობებს, ამ თაობასაც დავიწყებენ ისე, როგორც ჩვენ დავივიწყეთ წინა თაობა.

**რევაზ ჯინორია,**  
მასწავლებელი

## განცხადებები იყიდება


**კურორტ ბახმაროში, პრესტიჟულ ალბილას(გურიის ქუჩა) 100 კვ. მეტრი სააბარაპო მიწის ნაკვეთი. ფასი უმთავრესით დაგვიკავშირდით: 593 91 31 31**

**ძირაპლება ქალაქის ცენტრში ძირაპლება 51 კვ. მ. კომპარტიული ფართი (აქვს სველი წყარო). ფასი უმთავრესით. მისამართი: ქ. ოზურგეთი, გურიის ქ. №6 დაგვიკავშირდით: 555 23 82 43**

## თანაბრება

ქ. ოზურგეთის №1 საჯარო სკოლის 1972 წლის მე-10 ბ კლასის კურსდამთავრებულნი იუწყებიან თანაკლასელების, აწ გარდაცვლილ ვაჟა ქურდიანის ძმის **გელა ქურდიანის** გარდაცვალებას და თანაუგრძნობენ განსვენებულის ოჯახს.

# სკანვორდი



**Krtsanisi House**

					ერთ-ერთი ამორძალი					
			მამაკაცის სახელი	ბელი		ნაბიჯი ცეკვაში				
				გაგანა მოფერების	პიკასოს სახელი		მუშათა მელამბეველი მონასტერში	ლიტერატურული პრემია		
			ღუმაცი						ღორმეცელა	
			ქართული მლაპრის გმირი							
			სიღილით მე-3 კუნძული							
				სასჯელის სახეობა	იღეთი ჭილაობაში	ჩაის სახეობა	საპორტო ქალაქი საფრანგეთში	გიგანტური ცინული	დადესტნელი დიდებულის	აივანი
მოსკოვის დინამოს ყოფილი მუშაკი	პოლონური საფეხბურთო კლუბი		მდინარე ინდოეთში	მაგნიტური რკინაქვა						ძვირფასი თვალი
						ბოსტნეული	კომში			
				ვიეგნამის დედაქალაქი		ნაჭრის ჩანთა				მუხნარი
			საქართველოს ძველი დედაქალაქი							
			დანაშაულთან დაკავშირებული ჯარიმა				რამეც საათს იბნევენ	საწოლის ატრიბუტი	ბოსტნეული მცენარე	ერთ-ერთი ცოლება

### № 28-ში გამოქვეყნებული სკანვორდის პასუხები:

სურათზე - პიერ ოტიუსტ რენუარი; ნაცია - ერი; ჩიკორი - ტანჯორი; სოფელი ლანჩხუთის მუნიციპალიტეტში - ლუსა; ტელეწამყვან აქუბარდას „კლიკა“ - აქუ; ბალზაის სახელი - ონორე; ბათუმის „დინამოს“ ყოფილი კაპიტანი - ბალაძე ერთგვარი ოთხკუთხედი - რომი; ოლას ხე - არღანი; ვ. დოლიძის ოპერა - „მაკარი“; - ფიშერო - ბობი; ვირის და ცხნის ნაფიქარი - ვირი; „ნატურის ხის“ რეჟისორი - აბულაძე; უფველესი ქალაქი იტალიაში - ვანი; პატარა ბავშვი - ბაია; ანდრეის წიგნი - დიათიკა; მიზეზი - საბაი; ქალაქი რატონში - ონი; დიდი ბაყაყი - გომბო; მარცვლეული კულტურა - სიმინდი; დროებითი მიწათმოქმედება - საკარგავი; კავშირი - და; შესანიშნავი ხარისხის გასაღები - აში; მუცელის ორგანო - ენა; ბატონის გამომხივრებელი - პიკარი; ერთი წლის ცხვარი - აშანი; ქართული ცეკვა - სამაია; არსობის პროდუქტი - ბური; რძის ნაწარმი - დო; ვარი - არმა; ღობის შემკვეთი ნაწილი - სარი; შვიდაც (ნიტი) - ასაუკაც; ცნობილი ფიზიკოსი ქალი - კიური; ცროპის და აზის გამყოფი ქედი - ურალი; ინგლისის ნაკრების ყოფილი ფეხბურთელი - ლი; აზანის მე-16 ასო - ჟ; სოფლის გზა - შარა; ებრაელი - ურია; კურკოვანი ხილი - გარგარი; ქართველი მოქანდაკე - ამანუელის; - მიქეა - უტუ; ქმარი - დუმაცი.



# „შემოქმედებითი მივლინება ოზურგეთში“



მერაბ ბერძენიშვილის სახელობის თანამედროვე სახვითი ხელოვნების ცენტრის საქსპოზიციო დარბაზში ცენტრის შემოქმედებითი სტუდია-სახელოსნო „Gurian-ART“-ის პროექტის „შემოქმედებითი მივლინება ოზურგეთში“ პრეზენტაცია გაიმართა, რომელსაც გურიის ფართო საზოგადოება დაესწრო.

აღნიშნულ პროექტში მონაწილე მხატვრებმა ავთანდილ თავართქილაძემ, ვახტანგ მგერე-



ლიშვილმა, თამაზ დარჩიამ, ვია გვიამ, ეკატერინე ოსტროვსკიმ, ირაკლი თოიძემ და აზურბაიჯანელმა შანაზ აგაევამ საინტერესო გრაფიკული კომპოზიციები წარმოადგინეს.

პროექტის მიზანია შემოქმედებითი თანამშრომლობა ცენტრსა და მოწვეულ ხელოვანთა შორის, საქართველოს სხვადასხვა რეგიონის მკვიდრი და უცხოელი მხატვრების ერთიან შემოქმედებით პროცესში ჩართვა. მათთვის მიზიდველი, თავისუფალი, საშუაო სივრცის ახალ გარემოში შექმნა.

შემოქმედებითი სტუდია-სახელოსნო „Gurian-ART“-ი აღნიშნულ პროექტს უკვე მესამე წელია ახორციელებს.

ვახტანგ მგერელიშვილი, (გრაფიკა, ფერწერა, თბილისი): -სიახლეები და ექსპერიმენტები მნიშ-

ვნელოვანია ხელოვნებისათვის ზოგადად. ახალ ტექნოლოგიებით ახლის ძიება და ახალ შედეგებზე გადასვლა უპირველესი ამოცანაა შემოქმედისათვის. ოზურგეთის სამხატვრო გალერეა ყოველთვის მზადაა ამ ექსპერიმენტისათვის.

შანაზ აგაევა (გრაფიკა, ბაქო): -შემოქმედებითმა მივლინებამ, რომელიც 10 დღე გაგრძელდა, ძალიან პროგრესულად და დადებითად იმოქმედა ჩემზე, როგორც მხატვარ-გრაფიკოსს. გეგმიური თბილისი და მეგობრულმა გარემომ კიდევ უფრო გააღამაზა შემოქმედებითი პროცესი და დამატებით ყველაზე თბილი განცდა გურულების მიმართ.

ავთანდილ თავართქილაძე, (დაზვური გრაფიკა, ღიზანი): -ხელოვანისათვის ბედნიერებაა შემოქმედებითი თვითრეალიზაცია. შემოქმედებითი სტუდია-სახელოსნო GURIAN-ART არის და იქნება ცოცხალი ორგანიზმი ოზურგეთის კულტურულ სივრცეში.

თამაზ დარჩია, (გრაფიკა, სცენოგრაფია, ღიზანი): -ოზურგეთის შემოქმედებითმა სახელოსნომ GURIAN-ART მესამე წელია გამაღა ფრთები, დაე ამ გაშლილი ფრთებით მთელი მსოფლიო გაეოცებინოს.

ვია გვიამ, (გრაფიკა, ფოთი): -თითქმის ოცდაათი წელია, რაც გურიაში გალერეასთან არსებულ შემოქმედებით სტუდია-სახელოსნოში ვიციზებს შემოქმედებითი ბუხარი, რომელიც იძლევა სიბოლს, სინათლეს და მის გარშემო აერთიანებს ხელოვან ადამიანებს.

ეკატერინე ოსტროვსკი (მხატვარი-მონუმენტალისტი): -ეს შემოქმედებითი სტუდია ამ მოკლე ხანში ჩემთვის სახლად იქცა. ადვილად, სადაც ვიხარა მისვლა, სადაც მეგობრული და თბილი ადამიანები გვხვდებან.

ირაკლი თოიძე (გრაფიკა, ღიზანი, თბილისი): -მიზანია, რომ ამ პროექტის მონაწილე ვაგზდი. განსაკუთრებით სასიამოვნოა აქამ საინტერესო საქმის კეთება.



# მადლობა და პრიტიკული რეკლიკები ფესტივალის დამთავრების შემდეგ

ალიონი. გასულ პარასკევს, 20 ივლისს ოზურგეთის ალ. წუწუნავას სახელობის პროფესიული დრამატული თეატრისა და ნოდარ დუმბაძის სახელობის საერთაშორისო თეატრალური ფესტივალის სამხატვრო ხელმძღვანელმა, ხელოვნების დამსახურებულმა მოღვაწემ, მარჯანიშვილის პრემიის ლაურეატმა ვასილ ჩიგოგიძემ ადგილობრივი მედია საშუალებებისთვის პრესკონფერენცია გამართა.

ჩიგოგიძემ ჟურნალისტებთან ვრცლად ისაუბრა თეატრის 150 წლისთავისადმი მიძღვნილ ღონისძიებაზე, შეაფასა ახლახან დამთავრებული ნოდარ დუმბაძის სახელობის მეორე საერთაშორისო ფესტივალი.

ფესტივალის სულის ჩამდგმელმა სამხატვრო ხელმძღვანელმა მადლობა გადაუხადა კულტურის სამინისტროს, მხარის ხელმძღვანელობას, ოზურგეთისა და ლანჩხუთის მუნიციპალიტეტების, ფესტივალის ერთ-ერთი დამფუძნებლის ჩოხატაურის მუნიციპალიტეტის ხელმძღვანელობას, წარმოება-ორგანიზაციებს



ფესტივალის მადალ დონეზე ჩასატარებლად გაწეული ფინანსური თუ სხვა სახის დახმარებისათვის. მანვე კრიტიკული რეკლიკით მოიხსენია ის ორგანიზაციები, რომლებმაც უარი თქვეს ფესტივალის სპონსორობაზე.

ვრცელ მასალას პრესკონფერენციაზე გაუფრთხილებელი ამ და თემების შესახებ გაზეთის შემდეგ ნომერში შემოგთავაზებთ.

# სამეგრელო – შთაბეჭდილებით ალსაჰსე მესკურსია

ეკოკლუბი „Nature“-ს წევრებმა მე-5 კლასის მოსწავლეებთან ერთად აძვერად „ალ-მოაჩინე საქართველოს“ აქტივობის განსახორციელებლად „forestru.ge“-ს რუკაზე შემოთავაზებული მარშრუტის გასავლელად სამეგრელოს დასაღაშქრად გაემგზავრნენ. წინასწარ მოიძიეს ინფორმაცია მარშრუტში შემავალი ღირსშესანიშნოების შესახებ, მარშრუტის სახეობა იყო: სათავადასავლო, შემეცნებითი. მარშრუტი: ოზურგეთი-მარტვილი-ზუგდიდი-დადიანების სასახლე, გზადაგზა კი საშუალება ჰქონდათ დაეთვალიერებინათ ბუნების საოცარი ხელები და ფლორა. სამეგრელო დასავლეთ საქართველოს ისტორიულ გეოგრაფიული მხარეა, მდინარე რიონის, ცხენისწყლის, ენგურისა და შავ ზღვას შორის მოქცეული, სახელწოდება მომდინარეობს ისტორიული მხარის ეგრისის სახელიდან, სამეგრელო ხომ მდიდარია ნივთიერი კულტურის ძეგლებით, ყველა რაიონში დაცულია ციხე კოშკები და მონასტრები. შთაბეჭდილებით აღსავსე მოგზაურობა ულამაზესი მარტვილის კანიონებით დაიწყო, მარტვილის კანიონი ხომ ბუნების საოცარი ძეგლია, რომელიც გაჭრილ ხეობაში შედის რომლის სიგრძე 2400მეტრია. ბავშვებმა ნაველით გაისეირნეს, დატკბნენ მცირე ჩანჩქერების სილამაზით, დაათვალიერეს დადიანების საბანო ადგილები. მარტვილის დაცულ ტერიტორიაზე დაინტერესდნენ გავრცელებული მცენარეებით. სამეგრელოში მოგზაურობისას როგორ შეიძლება ზუგდიდში არ ჩახვიდე და დადიანების სასახლე – სამეგრელოს მთავრების რეზიდენცია არ მოინახულო, დიდი ინტერესი და ცნობისმოყვარეობა გამოიწვია ბავშვებში მუხ-



ეუმში დაცულმა ექსპონატებმა : ღვთისმშობლის კვართმა, ნაპოლენ ბონაპარტის ნიღაბმა, შამილის ხმალია მე-18 მე-20 საუკუნეების ევროპელი და ქართველი მხატვრების ფერწერულმა ნამუშევრებმა. დაათვალიერეს მუზეუმის გარშემო არსებული სამეგრელოს მთავარ დადიანის მიერ გაშენებული ტყე-პარკი, სადაც ხარობს მსოფლიოს სხვადასხვა კუთხიდან ჩამოტანილი უნიკალური და მრავალწლოვანი ხეები და ბუჩქები. იმხარულეს, გაერთვნენ გადაიღეს სამასოვრო სურათები, ექსკურსია მშობელთა აქტიური ჩართულობით ჩატარდა, ექსკურსიას სპეცმასწავლებელი ირინე მაჭარაშვილი ხელმძღვანელობდა. ბავშვებისათვის ეს ეს დღე დაუვიწყარი და ლამაზი მოგონება იქნება.

ეკოკლუბის წევრები: მარიამ სოზრავაძე, თაპო შავაძე, თაპო მხრალიძე

# მადლობა მუნიციპალიტეტის მერიას

მადლობას ვუხდით ოზურგეთის მუნიციპალიტეტ მერიას, რომელმაც მუსიკალურ სკოლას საჩუქრად გადმოსცა გერმანული პიანინო „პეტროფი“



# 7 დღის ამინდის პროგნოზი

	მცირე წვიმა +17+23		მზიანი ღრუბელი +19+26		მზიანი +21+32		მზიანი ღრუბელი +20+30		მზიანი ღრუბელი +19+24		მცირე წვიმა +19+25		ელ-ქვიშა +20+25
23 ივლისი ორშაბათი	24 ივლისი სამშაბათი	25 ივლისი ოთხშაბათი	26 ივლისი ხუთშაბათი	27 ივლისი - პარასკევი	28 ივლისი შაბათი	29 ივლისი კვირა							